



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Si canones Sardicenses recepti tum fuissent, inventa erat occasio qua revocarentur in usum. Sed eorum ne verbum quidem in epistola occidentalium, qui nihil aliud contendunt quàm ut unà cum ...

urn:nbn:de:hbz:466:1-15617

Thessalonicensis in Macedonia, in primis verò Romanæ, quam principes Apostolorum sanguine suo consecraverant. Hinc factum ut quoties Irenæus, Tertullianus, Optatus, & Augustinus novitatem objiciunt hæreticis, adducant discrimen quod intercedit inter novam eorum doctrinam & traditionem Ecclesiarum apostolicarum, præcipue autem Romanæ; ac præterea adversus hæreticos adferunt successionem personarum & doctrinæ illarum Ecclesiarum. Vnde siebat ut Episcopis illis incumbet necessitas arctissimæ communionis, scriptis videlicet ultrò citrōque communicatoriis epistolis pro conservatione fidei.

VIII. Quamobrem cùm ageretur de causa Athanasij Episcopi Alexandrinī & Marcelli Ancyranī in Galatia, quorum Ecclesiae erant apostolicæ, æquum prorsus videbatur ut accusatio adversus eos instituta judicaretur ab Episcopis Occidentis & Orientis. Sed in primis causam Athanasij urget Iulius, adfertque consuetudinem jam introductam, à Dionysio nimirum Episcopo Alexandrino: quem cùm Clerici ejus hæreticum esse suspicentur, & ob id querelam adversus eum detulissent ad apostolicam sedem, ipse accusationem hanc purgavit scripta ad Summum Pontificem epistola. Vnde concludit Iulius monendum se fuisse si quid suspicionis exortum esset Alexandriae adversus Athanasium. Huc enim tendit oratio Iulij; jus verò suum arcet à facto Dionysij. Ceterū causam judicari debere scribit ab omnibus, τοῦτο μάτιον, non autem à se solo. Quare merito reprehendens est illuſtrissimus Cardinalis Perrenius, qui verum Iulij Papæ sensum dissimulat in sua Rēplica; locum verò hunc mutilat, omittens de industria quicquid sequitur post illa verba, *Episcopi enim erant*, quod sequentia parum conducerent ad extollendam Summi Pontificis auctoritatem. Tum, prætextu versionis obscuræ, ex Græco textrū in primis conatur elicere sensum prorsus contrarium destinatis Iulij. His enim significari ait nihil in causa Athanasij definiri posse quin prius definitum fuerit ab Ecclesia Romana. Hac sunt verba Græca: ἡ δύνεται τὸ τέλος τὸ τῆς λόγου, τορθεπον γελασθεῖν τούτον, Εἴ τοι δὲ τὸ τέλος τὸ δικαῖον; Αἴτιοι εἰσι, inquit Iulius, hanc consuetudinem esse ut primum nobis scribatur, ut hinc quod justum est definiri possit? Attramen certum est nihil aliud ex his verbis elici posse quam eam esse Ecclesiæ Alexandrinæ consuetudinem, ut primum ad Summum Pontificem scribatur, ut *dein*, τέλον, decerni possit quod æquum videbitur, id est, communi omnium suffragio, ut an-

tea dixerat. Ceterū hec observandum est, satis audacter Iulium tribuere consuetudini exemplum semel usurpatum.

I X. Si quis verò in dubium revocare velit interpretationem epistolæ Iulij à me propositam, quoad jus quod sibi vendicabant occidentales, is, mea sententia, cedere faltum debet auctoritati Concilij Italici, cui interfuit sanctus Ambrosius Mediolanensis Episcopus. Scribunt hujus Concilij patres in synodica ad Imperatorem Theodosium epistola, Maximum, qui Constantinopolos Episcopus fuerat ordinatus, cùm in lyndo Constantinopolitana, quæ est secunda universalis, depositus fuisset, captata occasione Concilij generalis quod Imperatores Romam convocaverant, ad apostolicam sedem accessisse, ibique expostulasse de sua depositione ac de Nectarij ordinatione in locum suum, attamen occidentales, tametsi Maximum in suam communionem recipi sent, nihil quoad episcopatum decernere voluisse absentibus Episcopis orientalibus, qui Constantinopoli subfiterant pro celebrandâ synodo. *Nos igitur in synodo ea, inquit, que totius orbis Episcopis videbatur esse prescripta nihil temere statuendum esse censimus.* angi se nihilominus, quod ex ea causa interrupta esset Ecclesiarum communio. Orientales enim, cùm intellexissent Maximum Romam esse profectum, utilic causam suam refricari procuraret in synodo ad quam universi orbis Episcopi invitati erant, nolle ad eam accedere. Tum adferunt vestram consuetudinem, usurpatam ab Athanasio, Petro Alexandrino, & à plenisque orientalium Episcopis, qui judicium experierant, non solum Ecclesiæ Romanae, sed etiam Italiae & totius Occidentis. Vnde concludunt, orientales, cùm Maximus ad Episcopos Occidentis accesserit, præstolari debuisse eorum sententiam in causa ejusdem Maximi. Ne quis verò existimet eos solos velle negotium istud terminare, declarant se nihil aliud cupere nisi ut hæc causa in Concilio judicetur ab Episcopis occidentalibus & orientalibus; *ut ubi una communio est, commune judicium sit.*

X. Quod si tum temporis auctoritas Concilij Sardicensis valuerit, occasio videlicet opportunissima reperta erat qua revocaretur in usum. Nullam autem ejus mentionem faciunt Episcopi occidentales; nihilque aliud contendunt quam ut unâ cum orientalibus cognoscere possint de causa de positionis Episcopi Constantinopolitan. Eam ob causam Theodosium orant ut Concilium universale apud urbem Romam celebrari jubeat, eamque sibi videri unicam

Athan. de sentent.
Dionysij

Ap. Athanasij
Iulij 2.

Vide supra lib. 1.
pp. 12. 5. 1. 1.

rationem revocandæ communionis inter occidentales & orientales. Attamen occidentalibus satisfactum est epistola synodica orientalium, quam ex Concilio Constantinopolitano scriperunt ad Damasum & ad synodus Romanam; qua Italos orant, non ut confirment ea quæ in hac synodo Constantinopolitana acta erant, sed ut caritate spirituali ipsi gratulentur propter ordinaciones Ecclesiarum Constantinopolitanæ, Antiochenæ, & Hierosolymitanæ, quibus præfecti fuerant Nectarius, Flavianus, & Cyrilus.

X I. Nunc referenda sunt verba epistolæ Concilij Italiae ad Theodosium, quæ edita est à clarissimo viro Iacobo Sirmondo in Appendix Codicis Theodosiani. Nam cùm cognovissent ad hoc partium venisse Maximum, inquiunt Itali, ut causam in synodo ageret suam, quod, etiam si inditum Concilium non fuisset, jure & more majorum, sicut & sancte memorie Athanasius & dudum Petrus Alexandrine Ecclesiæ Episcopi, & orientalium plerique fecerunt, ut ad Ecclesiæ Romane, Italiæ, & totius Occidentis configuisse judicium viderentur, cùm, sicut diximus, experiri velle adversum eos qui episcopatum ejus abuerant comprißent, præstolari utique etiam nostram super ea sententiam debuerunt. Non prerogativam vindicamus examinis; sed consensum tamen debuit esse communis arbitrii. Infra: Nec quedam nos angit de domestico studio & ambitione contentio; sed communio soluta & dissociata perturbat. Nec videmus eam posse aliter convenire nisi aut ē redatutus Constantinopoli qui prior est ordinatus, aut certè super duorum ordinatione sit in urbe Roma nostrum orientaliumque judicium. Neque enim indignum videtur, Auguste, ut Romane Ecclesiæ antistitis finitimerūque & Italorum Episcoporum debeant subire tractatum, qui unius Acholij Episcopi ita expectandum esse putaverunt judicium ut de occidentalibus paribus Constantinopolim evocandum putarent. Si quid uni huic reservatum est, quanto magis pluribus reservandum est. Nos autem à beatissimo fratre tue pietatis admoniti ut tue clementie scriberemus imperio, postulamus ut ubi una communio est, commune velit esse judicium concordantemque consensum.

CAPVT V.

Synopsis.

I. Orientales Episcopi nihil occidentalibus licere contendebant circa administrationem & gubernationem Ecclesiarum orientalium. quod canone scripto firmarunt in secunda synodo. Hujus autem institutionis ratio ea esse debuit, quod supremam esse contendenter

Conciliorum orientalium auctoritatem.

II. Prudenter se gerunt patres Concilij Constantinopolitani. Iuraprovinciarum & privilegia illustrissimarum Ecclesiarum conservant. Iudicia porro de disciplina fieri iubent supra auctoritatem synodorum unusquisque Diocesos. Exumerantur varia Dioceses utriusque Imperii.

III. Primacriminum Episcoporum cognitio pertinet ad synodum provincie secunda vero, ad Diocesanam. Exarchi convocabant synodos Diocesanas absque permisso Principis.

IV. Ecclesia hoc pauci liberata est à necessitate postulandorum ab Imperatore Conciliorum. Synodi itaque Diocesana, que anteas extraordinariae erant, & indigebant rescripto Principis, versus sunt in synodis ordinariis. Hujus institutionis, quæ nova erat, confirmationem ab Imperatore Theodosio petit secunda synodus.

V. Excipi potest canonem Constantinopolitanum non constitutre disertè duos gradus jurisdictionis in accusationib[us] Episcoporum. Soluitur hec obiectio, explicatio canonis.

VI. Ab una synodo Diocesana ad aliam provocare non licet.

VII. Nihil tamquam derogatum est juribus Imperatorum; qui, etiam post hunc canonicum editum, Concilia ex diversis Diocesibus congregarunt ad judicandas Episcoporum causas. At Theodosius Imperator confirmare noluit institutionem synodi Constantinopolitanae, que supremam potestatem in judicis de disciplina rendit tribuebat synodus unusquisque Diocesos.

VIII. Suprema synodorum unusquisque Diocesos auctoritas colligunt etiam ex epistola Cyrilli Alexandrini ad Domnum Antiochenum.

X. Concilium Chalcedonense novum in Oriente distinctionem introduxit. Iubet enim ut prima de criminis Episcopi cognitio instituatur in synodo provincialis; Metropolitani vero, apud Exarchum Diocesos, auctoritatem Constantinopolitanum. De dignitate sedis Constantinopolitana; que valde amplificata est in hac synodo. Gracis collectio non complectebatur canones Sardenses, neque etiam Africanos.

X. Distinctionem à Concilio Chalcedonensi introductam amplexus est Justinianus. Eo vero iure Graci semper usi sunt.

XI. Ex his que dicta sunt constat canones Sardenses nondum receptos fuisse in Oriente. Eos tandem synodus Trulliana recepit, sed cum modificatione quadam: tum ut ostenderet auctoritatem que Summo Pontifici tribuita erat in his canonibus, à Concilio Sardensem profectam, non autem à Niceno; tum etiam ut ostenderet eam restringi ad solum Occidentem.

XII. Eam tamen in universum orbem extendi debere contendebant Summi Pontifices.

HACTENUS manifestè probavit in ea sententia fuisse occidentales Episcopos ut existimarent communibus Orientis & Occidentis suffragiis definiendas esse querelas ab Episcopis illustrissimarum Orientis Ecclesiarum delatas in Occidentem. At isti semper obstinati animis contenderunt nihil occidentalibus Episcopis permittendum esse circa administrationem & gubernationem Ecclesiarum orientalium. Quæ auctoritas ut valentior

Rr ij